



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1847**

CCCLXXXV. Gegenerklärung des Domcapitels, vom 4. April 1390.

[urn:nbn:de:hbz:466:1-54048](#)

**CCCLXXXIV.** Die von Carpzow verkaufen dem Domcapitel eine jährliche Rente,  
am 4. April 1390.

Heineke, Claus unde Hermann, Brudere, geheiten von Carpzow, bekennen etc. dat wy vorkost hebben unde vorkopen in deszen Brive Ern Hentzen Proste unde sien Nakomen Prosten unde deme Capittel tu Brandenburg vif Schillinge Brand. Penninge odder vor die vif Schillinge ein Par Scavelen van vif Schillingen in der Havelle tu Pritzerwe, alle Jahr up sunte Mertens Dage up tu nemende, vor dry Schock guder Behemischer Groschen, die sy uns davor full und alle betalet hebben, unde seggen en der ledich unde los by disen Brive. Wehret, dat wy oder uns Erven die vif Schillinge odder dat Par Scavelen wedder kopen wolden, des schole wy Macht hebben unde scholen en dat up Wynachten tu weten dun unde scholen em denne up den negeften Paschen dry Schock guder Behemischer Groschen wedder geven unde betalen upper Borch tu Brandenburg. Tu Tuge etc. Gegeven tu Brandenburg MCCCXC. des Mandags in den Paschen.

Nach einer Copie im ältern Copiarie.

**CCCLXXXV.** Gegenerklärung des Domcapitels, vom 4. April 1390.

Ick Hentze Prost tu Brandenburg bekenne etc., dat Heineke, Claus und Hermann Brudere, geheiten von Carpzow hebben my vorkost unde mynen Nakomenen Prosten unde dem Capittel tu Brand. vif Schillinge Brandborgischer Penninge oder vor die vif Schillinge ein Par Scavelen van vif Schillingen in der Havele tu Pritzerve alle Jahr up sunte Mertens Dage up tu nemende, vor dry Schock guder Behemischer Groschen, die ick unde dat Capittel tu Brand. en dar vor ful unde all betalet hebbe, und sy seggen my unde deme Capittele tu Brand. der ledich und los. Wehrett, dat sy oder ohre Erven die vif Schillinge oder dat Par Schavelen wedderkopen wolden, des scholen sie Macht hebben unde scholen my und dem Capittel tu Brand. dat up Wynachten tu weten dun unde scholen my unde dem Capittel tu Brand. denne up den negeften Pasken dry Schock guder Behemischer Groschen wedder geven und betalen upper Borch tu Brand. Tu Tuge etc. Gegeven tu Brandenburg MCCCXC. des Mandags in den Paschen.

Nach einer Copie im ältern Copiarie.

**CCCLXXXVI.** Riprecht von Wirstede überläßt dem Domcapitel eine jährliche Geldrente,  
am 18. Oct. 1390.

Ik Riprecht von Wirstede, Riddere, bekenne etc., dat ick hebbe vorkost und vorkope den erbarn geistlichen Luden, Ern Hentzen, Probste, und sien Nakommen Prosten unde deme Capittel und Kerken tu Brandenburg sein Schillinge Brandeborscher Penninge in den Seen tu Wusterwitz und Moser und wes ick in derselben See gehatt hebbe, nicht utgenomen, vor dritthalb Schock guder Cruce-Groschen, dy dy Prost unde datt Capittel my all und vul betalt hebben, und seghe en by dessen Brieve des Geldes quitt, ledig und los unde late up dat selve Gutt in dessen selven Brieve up des Prostes unde Capitells Behuf und wise die Tinflude an den Probst und an dat Capittel tu